



Universitätsbibliothek Paderborn

**In Canonem Sacrificii Missae, Vti & reliquas eiusdem
Partes Brevis Ac Lvcvlenta, & ad pietatem vtilis Expositio**

Veken, Frans van der

Coloniae, 1644

§ 2. Que praxis seruanda in oblatione, alijsque actibus religiosis

urn:nbn:de:hbz:466:1-9878

nōstram illi redēptionem ac iustificationem speciatim adscribens, in ea nos voluntate sanctificatos affirmet: nulla quoque necessitas ad eundem subinde intermittendum cogebat, quippe qui non à sensibus & phantasmatis, sed sola scientia per se infusa dēpenderet, ideoq; pari facilitate in somno atque in vigilia exerceri posset.

Sacerdos itaque hanc Missæ partem aggressurus, illud perfectissimæ oblationis exemplar sibi ante oculos ponat, idque quò melius imitetur, cæteroscq; etiam religionis actus, qui ferè perpetui in sanctissimo hoc Officio occurunt, maiori fructu obeat, operæ pretium erit generalem illorum præxim præmittere.

§. II.

*Quæ praxis seruanda in oblatione alijsq;
actibus religiosis?*

Quod sapienter dixit D. Augustinus

nus a : *Sacrificium visibile inuisibilis sacrificij esse signum*, illius scilicet spiritualis sacrificij , quo , vt explicat D. Thomas b , anima seipsum Deo offert; idem de visibili adoratione , oblatione , alijsque religiosis actibus dici potest : adhoc enim sunt instituti , vt sub exteriori aliqua forma interiores affectus sibi accommodatos designent. Absque his si fiant , c *corporalem* quidem *exercitationem per se parum utillem* habebunt : sed destituentur illo *Spiritu ac Veritate* d , quibus Patrem à genuinis eius cultoribus adorandum ipsa Veritas pronunciauit.

Idque ut clariùs pateat , ex communi Theologorum doctrina ponere debemus , Religionem esse virtutem , quæ inclinat ad debitum cultum Deo exhibendum. Cultus autem , siue reuerentia , siue honor diuinus , habet duo : alterum *materiale* , quod est quodvis offici-

a 1.10.de Cinit.c.5. b 2.2.q.85.a.2.

c 1.Tim.4. d Ioan.4.

officium , de se aptum ad significandum & contestandum , tum existimationem nostram , quæ summæ illi & immensæ Numinis excellentiæ conueniat, tum voluntatem tantæ nos Maiestati, vti par est , subijciendi : alterum formale , quod in exercitio utriusque illius actus per materialem cultum significati consistit. Id porrò formale est præcipua perfectio , & veluti anima ac spiritus totius religionis · illud est spirituale sacrificium, quod secundùm Augustinum per alterum illud visibile ac materiale significatur : in eo denique sita est Veritas , quam tantoperè in Patris sui adoratione Christus commendat.

Quapropter Sacerdos religiosè sacrificaturus , in primis intellectui proponat infinitam Dei Maiestatem , ac supra nos ac quacunque naturas creatas aut creabiles eminentiam ; nunc sub conceptu omnipotentiæ , à qua pendet esse creaturarum : nunc sub
con-

conceptu infinitæ sanctitatis, clemencie, aliarumq; perfectionum diuinorum : quarum memoriam per se satis ingerunt sacræ preces, quas Ecclesia præscribit. Proponat autem non per simplicem leuemq; apprehensionem: sed per verum ac deliberatum iudicium, ac præsertim fidei, qua multo dignius quam per rationem naturalem de diuinis sentimus. Deinde voluntate concipiat affectum resolutum & efficacem interminatae illi Maiestati submittendi se in omnibus, cedendo ei ubique, & primas partes deferendo. Quod quia respectu diuinæ substantiæ difficile nobis non est : (quis enim nisi prorsus insanus, suam cum diuina componat?) fiat intuitu diuinæ voluntatis, quæ eiusdem est perfectionis & excellentiæ cum diuina substantia : ideoq; parem cultum ac venerationem mereatur. Diuinam igitur voluntatem potiori semper loco cupiat haberi, quam suam : etiamsi fortunarum, honoris;

vitæq; iacturam facere, aut etiam in cinerem ac nihilum redigi oporteret. Tum denique signum aliquod edat, quo talem animi deliberationem profiteatur.

Porrò Ecclesia de signis ad hoc aptissimis per totum Missæ officium abundè prospexit; vt quando iubet Sacerdotem, nunc inclinare ceruicem, quasi paratum ad iugum Domini suscipiendum: nunc iungere manus, ac si reus eas Iudici vincendas offerret: aliquando genu fletere, vt coram tanta Maiestate se minorem agnoscat. Præcipue verò idem deuotæ mentis consilium repræsentat ipse actus sacrificandi, quo Sacerdos suam quodammodo obstringit fidem: ita se populumq; Christianum pro solo Dei nutu atque arbitrio paratos vitam ponere, aut in alium quemuis statum conuerti, sicuti ipse præsentem hostiam mactat, aut alium certè in statum immutat.

B. R. C. 6 At-

Atque hæc in genere dicta ad particulares Missæ precationes & cæremoniæ magis applicabuntur in sequentibus.

§. III.

De p̄eambulis Oblationis, osculo Altaris, ac salutatione populi.

Sacerdos hanc Missæ partem exorsitur ab osculo Altaris, magni amoris honorisq; symbolo; tum erga DEVM, cui soli Altare dicatum; tum erga corpus & sanguinem Christi, quorum, sub speciebus panis & vini, futurum est mensa. Nisi malis cum D. Thoma & alijs per Altare tibi repræsentari ipsummet Christum: eiique per totum Missæ officium tot oscula reddere, in grati animi significationem, pro illo amoris osculo, quo per Incarnationem naturam sibi nostram desponsans, illud Canticorum desiderium impleuit, *Osculetur me osculo oris sui a.*

Tum

a Cant. I.